

EKIPA HOSI DNPC-SES CORPO BOMBEIROS PARTISIPA EXPOZISAUN AILEU

Aileu, 25 de Novembro de 2014, Ekipa Corpo Bombeiros hosi Diresaun Nasional Protesaun Civil Sekretaria Estadu ba Seguransa ne'ebe mak lidera no orienta direktamente hosi Directora Geral Sekretaria Estadu ba Seguransa Sra. Guilhermina F.S. Ribeiro, partisipa no monta ona ekipamentus no assessoris no dokumentasoen hotu kona-ba atividades Servisu Corpo Bombeiros, hosi Diresaun Nasional Protesaun Civil Sekretaria Estadu ba Seguransa iha fatin ba expozisaun ne'ebe mak involve hosi linhas Ministeriais tomak Governo ninian, ne'ebe mak halao iha Distrito Aileu.

Ekipa Sekretaria Estadu Seguransa antes ne'e lokaliza tiha uluk ona fatin ka baraka ba SES no PNTL iha loron 20 de Novembro 2014 mak oferese hosi Komisaun Organizadora, no lokalizasaun fatin refere, lidera no akompanha rasik hosi Directora Geral Sekretaria Estadu Seguransa Sra. Guilhermina F.S. Ribeiro.

Expozisaun hodi komemora loron Proklamasaun Unilateral RDTL ne'ebe mak sei selebra iha loron 28 de Novembro de 2014 ne'e, partisipa tomak hosi linhas Ministeriais hotu Governo RDTL nian, hodi ba to'o iha komemorasaun loron historiku Timor-Leste nian ne'e.

Iha terenu Media SES nota katak, ekipa SES kontinua halao servisu preparasaun maximu iha baraka SES nian, ne'ebe mak sei monta ekipamentus hosi Diresaun SES nian mak hanesan : Diresaun Nasional ba Protesaun Civil (DNPC-SES) ho Corpo Bombeiros, Diresaun Nasional Seguransa ba Edifisiu Publiku (DNSEP-SES) no Servisu Migrasaun, inklui ho Ekipa Media SES ne'ebe mak monta dadaun ona dokumentasaun expozisaun fotografias ne'ebe mak hatudu kona-ba dezvoltamentu servisu iha Diresaun tomak iha SES inklui mos PNTL hodi publiku atu asesu, no aumesmu tempu Ekipa Media SES no IT SES mos dadaun ne'e halao hela preparasaun hodi halo lansamentu ba WEB SITE ho NOVO BULLETIN Sekretaria Estadu Seguransa nian iha loron 25 de Novembro de 2014, wainhira Komisaun Organizadora sira hahu'u halo abertura ba expozisaun refere iha Distrito Aileu.


